



# Secziun da catschadurs Bostg

Andiast | Pigniu | Vuorz | Siat | Rueun

## Protocol dalla radunonza da primavera dils 8 da matg 2024 allas 20:00 a Rueun

### Suprastonza

Janic Schlosser, actuar e vicepresidente  
Paul Cahenzli, responsabel per tir e material  
Toni Cadalbert, cassier  
Gian Luca Dermond, cau da tgira

Presents: 20  
Perstgisas: 4  
Absolut pli: 11

### Tractandas

1. Beinvegni
2. Appel ed elecziun da dus dumbravuschs
3. Approbaziun dalla gliesta da tractandas
4. Approbaziun dil protocol dalla radunonza generala dils 26 da schaner 2024
5. Orientaziun menaschi da tir e cuosts da sittar - pussevivadats
6. Decisiuns per la radunonza da delegai dils 25 da matg 2024 a Cazis en l'Arena
7. Elecziuns
- 7.1 President
- 7.2 Mutaziuns/Entradas/Extradas
8. Honoraziuns
9. Varia

Tractandas/Conclus/Discussiun etc.	Responsabel
<b>1. Beinvegni</b> <ul style="list-style-type: none"><li>• Janic fa in cordial beinvegni a tut ils presents dalla radunonza. Plinavon prelegia el las sperstgisas dalla radunonza da primavera.</li></ul>	J. Schlosser
<b>2. Appel ed elecziun da dus dumbravuschs</b> <ul style="list-style-type: none"><li>• Sco dumbravuschs vegnan Norbert Dermond e Elias Casanova elegi unanimamein</li><li>• Per igl appel cursescha negina gliesta, cun quei ch'ei ha mo paucs commembers dalla pratida. (20 Commembers)</li></ul>	J. Schlosser
<b>3. Approbaziun dalla gliesta da tractandas</b> <ul style="list-style-type: none"><li>• La gliesta da tractandas vegn approbada unanimamein</li><li>• Janic fa aunc attents, che il tractandum « honoraziuns » ei vegniu emblidau, quei che vegn secapescha era tractau dalla radunonza da primavera</li></ul>	J. Schlosser
<b>4. Approbaziun dil protocol dalla radunonza generala dils 26 da schaner 2024 a Siat</b>	J. Schlosser

<ul style="list-style-type: none"> <li>• Il protocol vegn approbaus unanimamein, senza midadas</li> </ul>	
<p><b>5. Orientaziun menaschi da tir e cuosts da sittar</b></p> <ul style="list-style-type: none"> <li>• Il Programm ei vegnius mess si sin nossa homepage da Marco Tschuor, ei ha aunc dau pintgas midadas dallas uras da sittar. Il plan actual ha Janic gia tarmess tier per E-Mail / Posta</li> <li>• Ils cuosts da sittar ein stai tuttina sco igl onn vargau e san vegnir consultai sin la homepage sut “programm da tir 2024”</li> <li>• Il tir intern ha liug ils 10 d’uost 2024 a pardiolla ensemmen cun la secziun da catschadurs Tumpiv. Informaziuns pertuond il tir intern vegnan dadas vinavon dil comité d’organisaziun</li> <li>• Ils 4 da zercladur ha liug igl emprem exercezi da tir. Tut ils capotiradurs ein obligai da vegnir in aura avon per seplanisar e mirar atras las impurtontas caussas vid il menaschi da tir</li> <li>• S. Hunger : Il Tumpiv ha fatg la proposta da menar atras quest onn in stech mo cun kal. 10,3 mm. Quei onn vegn fatg ina proba, sche ei functiunescha bein vegn il qual menaus vinavon, aschiglioc croda el l’auter onn dil programm</li> </ul>	<p>J. Schlosser S. Hunger</p>
<p><b>6. Decisiuns per la radunonza da delegai dils 25 da matg 2024 a Cazis en l’Arena</b></p> <ul style="list-style-type: none"> <li>• Sco delegai van Roland e Simon. Els ein vegni annunziai da Janic per la radunonza a Cazis en l’Arena. Plinavon ha Janic sin giavisch sco hosp annunziau Conradin. Pliras annunzias ein buca vegnidadas en. Aschia che ins sa era buca pli sannunziar per la radunonza.</li> <li>• 1. Proposta dad alzar ils précis per la gasetta da catscha ei vegnida votada encunter unanimamein cun 20 : 0 vuschs. La gasetta ha dau giu ils davos onns pertucont la qualidad ed era ils insearts da singulas catschaduras ni catschadurs. Era eis ei da ponderar lu, dad alzar las contribuziuns internas. Aschia che nus essan unanimamein dil meini, da buca alzar ils précis per la gasetta da catscha.</li> <li>• 2. Proposta dil secretariat BKPJV per in budget da 70’000 CHF ei vegnina pride encounter unanimamein.</li> <li>• 3. Temps da catscha 2025 ei vegniu votau giu varianta Nr. 2 unanimamein. Cun quei che il menaschi d’alp vegn disturbaus plipauc, respectiv va affin, eis ei per la catscha pli emperneivel.</li> </ul>	<p>J. Schlosser Tuts</p>

<ul style="list-style-type: none"> <li>• 4. La Secziun Beverin ha fatg la proposta per sbassar la taxa per la catscha speziala pil preci dalla carn, cun quei che ei vegn adina pli grev da dar giu la preda en mazlaria. Cun quei che igl ei vegniu votau 6 : 6 Vuschs, ei la suprastonza dil meini da sustegner la proposta dalla secziun Beverin.</li> <li>• 5. Plinavon ei vegniu ina proposta da Moesa per sittar ils dus davos dis ina vacca ed in vadi cun in contingent dad in tier per catschadur ils davos dis. La secziun Bostg ha unanimamein votau encunter la proposta da sittar ils davos dus dis ina vacca che meina ni in vadi.</li> <li>• 6. Sittar e salvar animals blessai da catscha cugl intent da salvar la trophea ei ina proposta dalla secziun Sursaissa. La secziun bostg ha votau unanimamein encunter quella proposta.</li> </ul>	
<p><b>7.1 Elecziuns</b></p> <ul style="list-style-type: none"> <li>• Igl OK per encurir in president sin la radunonza da primavera (Sino, Elias, Bruno) ha giu mirau entuorn ed ha deplorablamein anflau negin che sorprendess quei post. Igl ei strusch da crer, mobein realitad. Janic surpren muort differentas activitads en pliras uniuns sco eral lavur giu Cuera buca quei post, ei denton prompts da segidar ensemmen cun l'entira suprastonza il qual che suanda sin quei Post. Aschia vegn sunter in ditg discuors Ignaz Spescha proponius sco niev president cun in grond applaus. El ha denton mess la cundiziun ch'el stetti ulteriurs dus onns, aschia che ins sto lu mirar sco ei va vinavon. Elias Casanova ha proponiu da encurir vinavon in niev president per la secziun Bostg, che sorprendess quei post en dus onns. La suprastonza ed ils commembers engrazian gia ussa zun fetg ad Ignaz per sia lavur ch'el vegn a sorprender.</li> </ul>	J. Schlosser
<p><b>7.2 Mutaziuns / Extradas / Recepziun da novs commembers</b></p> <ul style="list-style-type: none"> <li>• Lukas Günthart ei vegnius prius si en nossa secziun unanimamein. El ei gia vegnius annunziaus al BKPJV tras Janic</li> <li>• Venanzi Tuor, Jago Dacal, Markus Dacal, Remo Veraguth ein extrai definitivamein ord la secziun.</li> <li>• Gian Luca informescha ch'ei ha actualmein aunc treis candidats pils examens da catscha (Elia Kamber, Leandro Dermond, Mario Della Morte)</li> </ul>	J. Schlosser G. Dermond
<p><b>10. Honoraziuns</b></p> <ul style="list-style-type: none"> <li>• Daniel Hunger ei vegnius honoraus sco commember liber. El ha gia survegniu la honoraziun.</li> </ul>	J. Schlosser

<ul style="list-style-type: none"> <li>• Pirmin Cavigelli e Silvio Della Morte ei vegni honoraus sco veterans. Els survegnan surdai il present (medaglia) da Janic. Cun quei che els eran las davosas occurenzas buc d'entuorn.</li> </ul>	
<p><b>11. Varia</b></p> <ul style="list-style-type: none"> <li>• Toni: Ils quens savessan actualmein era vegnir termess tier per E-Mail e mo al stals che posedan buca ina adressa electronica per posta. Cun quei ch'ei dat adina ina gronda lavur da pachetar giu las brevs. Las cartas da tgauns san da niev vegni empustai online tier il BSC / BKPJV. Ils tals che lessan ei per posta ston comunicar quei alla suprastanza schia ch'ei san termetter tier ei. Priu encunter unanimamein sco emprova. Encass ch'ei funcziunescha buca, vegnin puspei a midar.</li> <li>• Marco: fa la proposta, per quels commembers ch'ei mai d'entuorn ni ch'ins sto cuorer sunter allas contribuziuns annualas, da better ord l'uniun. Ei sa bu cesser, che adina ils madems ein d'entuorn e sorprendan il car.</li> <li>• Quella tematica vegn tractada en suprastanza cun il niev president.</li> </ul>	Tuts

Vuorz, ils 14 da matg 2024

igl actuar  
Janic Schlosser